

廣雁蕩山誌卷二十一

藝文 詩四

五言排律

擬遊雁蕩玉甌未果

明金

翮樂清人

雁湖青靄透虹洞紫烟盈君欲驅車至我思策杖行芝
童炊玉待羽客釀花傾大小雙龍吼東西兩際鳴岫深
雲自出天近日誰擎賦寄松蘿笑文移猿鶴驚紅塵迷
逸興黃綬悞高情

雁山紀勝 并序

馬象乾 達州人

廣雁蕩山誌

卷二十一

藝文 詩

一

辛巳夏六月余巡溫道出雁山至則崇崖峭壁孤峰
飛泉驚心奪目應接不暇欲次其勝以志不忘乃為
白占不限聲律聊用序事云爾

平明發嶺店驅馬石城東地靈先獻巧酷肖僧伽童古
寺甃甍圯遺墟榛莽叢山門非昔勝石棟至今雄詢度
稱周使風流憶謝公寶冠翡翠羽彩岫鳳凰峰碧月飄
丹桂青霄近紫楓靈峰攀絕磴危洞鑿崆峒五老峰前
度雙鸞月下逢瓊芝誇獨秀鷹隼欲翥空試論百年事
何如一局同會當解朝幙從爾卧烟松谷響臨青與巖

靈插碧穹霞屏開梵刹天柱倚龍宮玉女勾粧靚山僧
禮石恭展旗氛自掃卓筆賦誰工便擬乘鸞去疇能仗
劍從蟾生真皎潔龜息更龍從照乘珠仍在傳燈鉢已
終天孫金剪就大士石屏封巒嶂渾如架詞鋒可似虹
澄清攬轡外辛苦據鞍中雁蕩稻梁足龍湫星漢通
潭飛雨細疊巘落霞濃日射蛟虬吼風號虎豹登雲間
連帳幙天際削芙蓉芳草山呈黛夕陽火焰紅懷家未
有雁度嶺且乘驄詎那亭下鼓能仁寺裡鐘浮名成底
事暫此叩禪宗

廣雁蕩山誌

卷二十一

藝文 詩

二

七言排律

遊雁蕩

元 李孝光

盤盤古蕩倚蒼穹勢壓坤輿距海東異境從真三島外
羣山呈拔五雲中玲瓏勝刹連星斗杳渺神鼇戴華嵩
香靄千屏金沆漉煖霞萬簇錦芙蓉峰停玉女螺鬟躡
瀑瀉冰簾雨氣濃怪底雙巒翔彩鳳嶄然絕壑掛蒼龍
展旗輕颺神仙洞天柱相高玉笈叢偃蓋紫芝常錦帳
挺標卓筆對天聰北瞻瑞鹿晴嵐薄西遡飛泉紫翠童
鉅宦來觀留好句名才遠訪暢幽踪躋攀適帶琴尊並

嘯覽紛陪杖履同倦客豈知今再到老僧能記昔相逢
水盤寸脆傳秋果芳飴新柔薦晚菘遠社飛杯深繾綣
寶房對榻重從容見衣楓錦飄塔葉吹佩松濤度曲風
悟趣只知元圃近探幽擬與虎溪通掛巾五老窺靈穴
脫履常雲濯劔鋒涵日影搖臨水塔破烟聲度隔林鐘
千年紀載文光爛數日盤桓目力窮鑄石題詩難狀盡
遍國勝槩貯詩筒

雁山從事有感屈行賦此

張子瑋

巨鼇屹立海之東化作峰巒幾許重雁蕩瀑飛平地雪

廣雁蕩山誌

卷二十一

藝文 詩

三

龍湫氣吐半天虹巉巖五老雲中峙窈窕雙鸞日下逢
玉女剪刀裁雲錦老僧抱石朝天宮峩峩卓筆兼芝草
轟轟展旗及戲龍龍鼻水將玉液灑石梁洞比天台雄
觀音端拱蓮花座童子時鳴金鼎鐘南北碧霄成彩岫
東西靈谷列屏風朝陽嶂對鳳凰頂合掌泉皈羅漢峰
觸目騁懷皆美景車塵馬足似傷農先年舊主歸方亟
此日新詩思未工旦暮相逢夢寐裡躋攀只在畫圖中
遙知冠蓋登臨興可奈閭閻杼軸空喜有黎寬嚮從省
山僧滿饌獻青駝

五言絕句

赴試道經雁山

宋 王十朋

故鄉從此去借問幾時還先自思兄弟那堪宿雁山

望雁山

明 黃 綰

盤嶺秋烟外亂峰霄漢邊遙知湖水曲留我釣魚船

憶雁山

侯一元

黽勉辭名山數日仍在眼遙望山中人初不出戶限

雁山迷路

湯顯祖 臨川人

借問採茶女烟霞路幾重屏山遮不斷前面剪刀峰

廣雁蕩山誌

卷二十一 藝文 詩

四

七言絕句

題壁二絕

唐 回道 長沙人

展旗邀我過天聰玉女雙鸞展笑容卓筆蘸乾龍鼻水
等閒題破石屏風

昔時曾卧龍湫水今日止茲續舊遊何處酒家堪醉月
興酣解却白狐裘

再過雁山

宋 王十朋

清秋天氣過山中征雁行人路不同從此又勞千里翼
傳書來往浙西東

初擬過雁山既而取道烏石寄夢齡昌齡

不度丹芳七七盤非緣杖屨厭間關要留來歲高風使
兄弟成行過此山

又次先之過雁山韻

雲山繚繞幾千重撩我秋來逸興濃欲向靈巖移卓筆
與君同掃萬人鋒

出雁山

三宿山中始出山出山心尚在山間浮名奪我林泉趣
不及高僧一味閒

廣雁蕩山誌

卷二十七

藝文詩

五

送夏元鼎歸雁山

真德秀

浦城人

嗟我深局五柳門無從相與細論文會須脫屣置塵外

雁蕩山頭或見君

送琴客許揚歸永嘉

范成大

吳縣人

烏帽休衝九陌埃瘦藤定約到秋迴龍湫雁蕩經行處
斷取松風萬壑來

送陳輔賢出山作二首

元李孝光

儒官不畏簡書催拄杖休驚石上苔行到水窮雲起處
路從四十九盤來

路從四十九盤來樹底看雲首獨回客裡不知身是客
向人猶愛話簫臺

送晉上人遊雁山

白玉蟾

瓊州人

嶺外猿啼秋樹月林間鶴唳曉松風此行雁蕩須參透
依舊歸來玉几峰

與內弟周思敬晚過雁蕩僧舍

明高

啟

長州人

同過溪橋日欲曛遠林殘葉似啼鳥照公院裏堪留宿
已有梅花有酒無

入雁山二首

侯一元

廣雁蕩山誌

卷二十一

藝文詩

六

雁蕩山人最可嗤每逢好景卽題詩溪橋野寺春風裡
白髮蒼顏半醉時

洞門高倚白雲開竹外飛泉似雨來啼鳥滿山花半落
老夫獨坐一啣杯

送張秋厓遊雁山和張東都闔韻二首

金鼎峰前木葉飛空山秋早雁來歸半天瀑布紛如雪
濕却遊人苧布衣

秋厓仙子步如飛一月看山不肯歸野老盡隨斑竹杖
嶺猿却識紫霞衣

雁山中寄黃松月

雁蕩山中酒力濃
把杯隨處踐殘紅
醒來夜半看明月
想殺先生一樹松

初入雁山

陳瑶

野客行歌萬樹林
白雲蒼壁水聲深
半空鐘磬風吹斷
烟雨樓臺何處尋

出雁山見海上舟行口占

黃猷吉 山陰人

十日行山不見舟
出山晴海望如秋
片帆搖曳來何處
應是蓬仙泛十洲

廣雁蕩山誌

卷二十一

藝文詩

七

入雁山

朱書卿 樂清人

雙鸞山下踏莓苔
鳥道斜經五老臺
長嘯一聲風滿壑
半天羅漢洞門開

遊雁山

鄭善夫

昔年夢上百尋臺
薄海鯨波天地迴
四十九盤東向立
雁山猶是夢中來

再至雁山三絕

項日葵 樂清人

兩到山中山轉青山偏
愛白綸巾一年一赴山靈約
為語桃花莫笑人

女蘿棚下幾登山到得山中意便閒
白玉芙蓉開落盡金風又送菊花還

三十年前湖上霞有僧採掇繡袈裟
至今僧與霞飛去惟有湖雲管藕花

贈王季宣歸東嘉

梅鼎祚宣城人

却笑君遲雁蕩遊銀河一派下龍湫
赤城霞氣看成綺待我瓊臺最上頭

雁山漫懷三絕

吳國光福州人

海內傳聞有雁山不知雁去幾時還
慙余凡骨非仙吏廣雁蕩山誌

卷二十一 藝文 詩

八

那似山簪鎮日閒

怪洞奇峰景可攀遊人車馬幾曾閒
憑誰爲借回天力

一夜風雷促雁山

雁蕩龍湫殊景界仙巖道境隔塵寰
題詩竹簡今猶在靈運何緣失此山

雁蕩山

侯德培樂清人

振衣盤嶺度溪灣古樹雲深一叩關
百二奇峰題不盡半窓明月共君閒

過雁山贈林季和

芙蓉峰下隱人居
藝圃耘鋤自晏如
笑指雁山名跡好
每攜筇杖曳籃輿

每見絕壁之上有長方石門如數十間屋舍鳥或

能飛人不能至

袁枚和

神仙不是閉門居
精舍分明敞太虛
只恨張華飛不上
鄉媛無處寄奇書

雁山卽事

阮元廣發

毛竹清陰日影遲
亂飛鸚鵡拂晴絲
杜鵑花落松花老
正是山田刈麥時

寶雁蕩山誌 卷二十一 藝文 詩

九

度謝公嶺望老僧巖

謝公慧業早生天
屐齒曾經到嶺前
峰上丈人猶化石
不知成佛更何年